

Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

AKT PËRCJELLËS

Për:	Menaxherin e prokurimit: Ministria e Administratës Publike (MAP).	Kopje:	Paneli Shqyrtues - OSHP
Prej:	Visar Basha – Ekspert shqyrtues i prokurimit		
Lënda:	Ekspertiza lidhur me Ankesën Nr. 20/17 e OE “Uni Project” - Prishtinë.		
Datë:	03.02.2017		

Bazuar në nenin 114 të Ligjit Nr. 04/L-042 të Prokurimit Publik të Kosovës ju njoftojmë me raportin e ekspertizës, lidhur me ankesën e parashtruar me dt: 00.01.2016 me Nr. 20/17 nga OE “Uni Project” - Prishtinë, për shqyrtimin e lëndës “Mirëmbajtja teknike e ndërtesave Qeveritare” me numër të prokurimit MAP202/16/202/211, të iniciuar nga Autoriteti Kontraktues (AK) – Ministria e Administratës Publike (MAP).

AK është i thirrur që pas marrjes së raportit të ekspertit shqyrtues lidhur me këtë kërkesë, të veprojë sipas kërkesave të nenit 115 të LPP-së.


Të bashkangjitur gjeni raportin e ekspertit shqyrtues.

Ti dorëzohet:

- Autoritetit Kontraktues – **MINISTRIA E ADMINISTRATËS PUBLIKE.**
- Panelit Shqyrtues – **OSHP.**
- OE ankues – **UNI PROJECT.**

Raporti i ekspertit shqyrtues për lëndën: “Mirëmbajtja teknike e ndërtesave Qeveritare” me numër të prokurimit MAP202/16/202/211, të iniciuar nga Autoriteti Kontraktues (AK) – Ministria e Administratës Publike (MAP).

RAPORTI I EKSPERTIT SHQYRTUES

	25.01.2017	25.01.2017	03.02.2017
Nënshkrimi i ekspertit	Data e autorizimit të eksp.	Data e fillimit të ekspertizës	Data e dorëzimit të raportit

N. 105, LPP - Baza ligjore e shqyrtimit

Me datën 20.01.2017, Organi Shqyrtues i Prokurimit ka pranuar ankesën me nr. 20/17 e parashtruar nga OE **“Uni Project”**, me seli në Prishtinë, lidhur me aktivitetin e prokurimit: **“Mirëmbajtja teknike e ndërtesave Qeveritare” LOT 1, 2 dhe 3**, me numër të prokurimit MAP202/16/202/211, të iniciuar nga Autoriteti Kontraktues (AK) – **Ministria e Administratës Publike (MAP)**.

Konform nenit 113 të Ligjit Nr. 04/L-042, Eksperti Shqyrtues e ka shqyrtuar dhe analizuar lëndën e (AK) – **Ministrisë së Administratës Publike (MAP)**.

N.111 i LPP-së - Operatori Ekonomik Ankues **“Uni Project”**, me seli në Prishtinë.

*Pikat e Ankesës nga OE **“Uni Project”** - dispozitat e shkelura nga Autoriteti Kontraktues:*

- Neni 1 - Qëllimi;
- Neni 6 - Ekonomiciteti dhe Efikasiteti;
- Neni 59 - Ekzaminimi, vlerësimi dhe krahasimi i tenderëve;
- Neni 61 - Tenderët jo-Normalisht të ulët;
- Neni 69 - Aftësia teknike dhe / ose profesionale;
- Neni 72 - Dokumentacioni dhe Informacioni shtesë;
- Neni 3 - i rregullores për çmime Jo-Normalisht të ulëta.

Deklaratë detale mbi faktet dhe argumentet:

Kompania Uni Project, pas analizimit të teresishem të dokumenteve relevante të tenderit për mirembajtje teknike në ndërtesat qeveritare për Lot 1, 2 dhe 3 konstaton dhe konsideron se AK-MAP, ka bërë shkelje esenciale dhe substanciale të dispozitave ligjore të kornizës ligjore për prokurim publik duke mohuar të drejtat ligjore të kompanisë tonë në fitimin e kontratës publike në mënyrë të rregullt dhe ligjore.

Pretendimet tona ankimore të drejtuara tek paneli shqyrtues i OSHP-se, janë të njëjta me pretendimet ankimore të drejtuara të AK nëpër mjet kërkeses për rishqyrtim duke detajizuar shkeljet esenciale të AK-se.

Pikat e ankesës për shkeljet e pretenduara të AK-ja, janë të prezantuara si vijon:

AK-ja, me datën: 06.01.2017, nëpërmjet email-it zyrtar njofton kompaninë Uni Project, me eliminimin nga konkurrenca nëpërmjet dorëzimit të letrës standarde të pasuksesshem dhe në të njëjtën datë publikon njoftimin për dënie të kontratës në portalin e KRPP-se me anë të së cilës është shpallur OE fitues për Lot 1, 2 dhe 3 (shih faktin nr. 1 letrë standarde për tenderuesin e suksesshem dhe njoftimin për dënie të kontratës).

Kompania Uni Project, pas publikimit të njoftimit për dënie të kontratës me datën: 11.01.2017,

pergadit dhe dorezon kerkesen per rishqyrtim tek autoriteti kontraktues duke shprehur mos-pajtimin per arsyet e eliminimit.

Kerkesa per rishqyrtim eshte pergaditur, nënshkruar dhe dorëzuar zyrtarisht duke përdorur formularin per kerkesen per rishqyrtim duke e protokoluar zyrtarisht ne MAP (Shih faktin nr. 2 kerkesa per rishqyrtim e dates: 11.01.2017).

AK-MAP, me daten: 13.01.2017, refuzon kerkesen per rishqyrtim duke mos ofruar asnje fakt permbjatesor te detajizuar dhe ligjor ne refuzimin e pretendimeve ankimore (shih faktin nr. 3 refuzimi i kerkeses per rishqyrtim i dates: 13.01.2017).

Kompania Uni Project nuk i konsideron si valide dhe ligjore konstatimet e MAP, se nuk ka pasur nevoj per hetim ashtu sic kërkohet ne nenin 3 te Rregullores B57 per cmim abnormalisht te ulet per arsye se OE i shpalur fitues MSS, ka ofruar cmim mbi 30% me te lire se kompania e dyte Uni Project ne renditjen e raportit te vlerësimit te ofertave dhe se ka pasur obligim te filloj procedurat e trajtimit te ofertes se MSS, si cmim abnormalisht te ulet dhe te refuzoj oferten e tille.

Kompania Uni Project, nuk i konsideron valide dhe ligjore konstatimet e MAP, per vendimin e Qeverise se Kosoves per pagen minimale per arsye se disa kontrata te personelit inxhinierik te propozuar te OE fitues MSS kane pagen 150 euro, qe i bie se paga e tyre bruto eshte 161.00 euro pra me pak se 170.00 euro sa kërkohet me ligj.

Kompania Uni Project, e konsideron kunderligjore heshtjen e MAP, ne pretendimin tone ankimore te OE fitues MSS ka sheluar ligjin e punes duke ofruar personel per orarin zyrtar te punes (08:16), qe ne te njejten kohe punojn si per MSS, ashtu edhe per kompanin Rexha dhe ne post telekom te Kosoves. Veprimi i till i OE MSS konsiderohet kundërligjor dhe ne kundërshtim te plot me Ligjin e Punes dhe si i till eshte dashur ta trajtoj kete ofert si ofert te papërgjegjshme dhe

AK-MAP, ka shkelur dispozitat ligjore te LPP-se, qe nuk ka ofruar sqarime konkrete gjate procesit te prokurimit ne baze te kerkeses se kompanise Uni Project, per te sqaruar ceshtjen e kontratave te natyres se ngjashme dhe ne arsyetimin e dhene per kete pretendim ankimore ne kerkesen per rishqyrtim eshte i pa bazuar dhe kundërligjor.

Shemin:

Shih me posht argumentet ligjore – pretendimet ankimore te dorëzuara nepermjet kerkeses per rishqyrtim qe ne pajtim me rregullat e reja ligjore te ankesave paraqiten edhe ne ankesen e OSHP, per shqyrtim, shoshitje dhe argumentim me arsyetimin ligjor para marrjes se vendimit përfundimtar nga anetaret e panelit shqyrtues te OSHP-se.

AK-MAP, ka shkelur rregullen nr. 3.1 dhe 3.2 te B57 rregullat per trajtimin e çmimit jonormalisht te ulet per arsye se OE fitues MSS, per Lot 1, 2 dhe 3 eshte shpallur fitues edhe pse oferta financiare e këtij OE konsiderohet cmim jonormalisht i ulet.

Ne baze te nenit 4 per rregullat per tender Jonormalisht te ulet AK-ja, gjegjësisht departamenti i prokurimit eshte dashur te aplikoj proceduren Inter Parties qe te filloj nje hetim dhe shqyrtim te te gjitha elementeve te ofertes financiare te OE fitues MSS per te konstatuar ligjërisht dhe zyrtarisht nese oferta e MSS konsiderohet abnormalisht e ulet ose ofert financiare me cmim te treguar per Lot 1, 2 dhe 3.

Departamenti i prokurimit pran AK-se, nuk e ka aplikuar procedurën inter partes edhe pse ka pasur obligim ligjor në bazë të nenit 61 të LPP-se dhe në bazë të nenit 3.1 dhe 3.2 të rregullave për trajtimin e çmimit abnormalisht të ulët për të vërtetuar dhe konstatuar se çmimin e tregut të shërbimeve për mirëmbajtje teknike por vetëm formalisht ka shpallur fitues OE MSS duke bërë shkelje të nenit 61 të LPP-se dhe duke i pamundësuar kompanisë Uni Project në vlerësimin e drejtë të ofertës të ofertes që kemi ofertuar në bazë të çmimit të tregut (Shih faktin nr. 4 – neni 3 dhe neni 4 i rregullave për trajtimin e çmimit abnormalisht të ulët).

Në nderlidhshmeri me piken 8 të kësaj kerkese për rishqyrtim oferta financiare për Lot 1 e OE fitues është 33.47% me e lire se sa oferta financiare e kompanisë Uni Project, kurse për Lot 2 është 34.08% me e lire se sa oferta financiare e kompanisë Uni Project dhe për Lot 3 është 32.48% me e lire se sa oferta financiare e kompanisë Uni Project.

Duke marrë parasysh përqindjet (%) ndërmjet ofertës së OE fitues dhe kompanisë Uni Project e ranguar e dyta me radhë konstatohet se oferta e kompanisë MSS e përmbush kriterin e parapare në nenin 3.1 dhe 3.2 të rregullave për trajtimin e çmimit jo normalisht të ulët dhe si të tilla duhet të refuzohen si oferta të përgjegjshme ashtu siç parashihet edhe në nenin 61 të LPP-se të Kosovës.

Pas shikimit të dokumentacionit të ofertës së OE MSS, të propozuar për kontratë kompania Uni Project ka vërejtur se të organogrami (struktura e stafit menaxhues për këtë kontratë), për Lot 1 ka prezantuar vetëm menaxherin e Lot-it mirpo jo edhe stafin zbatues (4 inxhinier dhe 6 punekryes). Mungesa e prezantimit të 10 punetoreve për Lot 1 në kuadër të propozimit teknik të OE MSS përben mospërmbushje të detyrimeve të dala nga specifikacioni teknik i detyrueshem.

Poashtu në ofertën e tij OE MSS ka prezantuar se do të kryej punën me 3 nderrime mirëpo nuk ka paraqitur stafin zbatues që do të kryej shërbimet në Lot-et perkatese, (shih faktin nr. 5 faqe 18 e DT-se ekstraktet perkatese).

Kompania Uni Project nuk pajtohet me konstatimet e anetareve të komisionit për vlerësim të ofertave se kemi ofruar çmim më të lartë për kunder faktit që kemi plotësuar të gjitha kërkesat teknike dhe financiare të AK.

Në këtë drejtim kompania Uni Project ka ofruar çmim të tregut për ofrimin e shërbimeve mirëpo për shkak të mos trajtimit të ofertës financiare të OE të shpallur fitues MSS si ofertë me çmim abnormalisht të ulët sipas rregullës B57 është refuzuar padrejtësisht oferta e Kompanisë Uni Project.

Në planin e menaxhimit të OE të shpallur fitues MSS, nuk konstatohet dhe nuk verëhet se ka ofruar minimum prej 10 punetore për Lot apo gjithsej 30 punetor për 3 Lot-et, ku në secilin lot kërkohen 4 inxhinier të lëmive perkatese si dhe nga 2 punetore kujdestar për një ndërrim (3 nderrime x 2 punetor = 6 punetore teknik) për Lot 1, Lot 2 dhe Lot 3 ashtu siç është kërkuar në dosje të tenderit gjegjësisht në specifikacionin teknik të detyrueshem.

Mungesa e përcaktimit të numrit përfundimtar të personelit konsiderohet shkelje e specifikacionit teknik të detyrueshem si pjesë perberse e dosjes së tenderit dhe si e tillë duhet të trajtohet nga ekspertit teknik dhe nga paneli shqyrtues i OSHP-se shkeljet ligjore duke e konstatuar ligjërisht që oferta e OE të shpallur fitues MSS është ofertë e papërgjegjshme (shih faktin nr. 6 – plani i menaxhimit të OE fitues MSS).

Ne oferten e OE te shpallur fitues verhen disa kontrata te inxhinierëve qe kan kontrata pune me OE fitues MSS edhe me kompani tjera private dhe publike (si kompania Rexha dhe PTK-ja) dhe si rrjedhoj keta inxhinier te propozuar si per Lot 1, Lot 2 dhe Lot 3 nuk mund ti shpërblej ne te njejtën kohe dhe ne te njejtën vend ne 2 kompani private gjegjësisht publike gjate orarit zyrtarë ne lokacione te ndryshme te ndërtesave qeveritare.

Prandaj, me Ligjin e Punes por edhe me aktet tjera nenligjore nuk lejohet qe nje person te kete dy vende pune ne te njëjtën orar zyrtar te punes per disa projekte publike ose private njekohesisht. Poashtu ky veprim i OE MSS, bie ne kundërshtim edhe me paragrafin 4 te specifikacioneve teknike te detyrueshme (Shih faqen nr. 27 te DT), ku kërkohet qe shërbimi te ofrohet ne menyre te plot prej ores 08:00-16:00 (shih faktin nr. 7 – ekstrakt i faqes 27 i DT per orarin e punes ne ndërtesat qeveritare).

Propozimi i inxhinierëve te till per Lot 1, 2 dhe 3 te tenderit te lartpërmendur eshte ne kundërshtim edhe me specifikacionin teknik te detyrueshem per arsye se AK, ka kërkuar qe OE per te implementuar kontraten duhet te kete ne dispozicion personelin e kërkuar ne orarin zyrtar te punes se institucioneve publike te Kosoves per te përballuar te gjith punen voluminoze per implementimin e projektit ne te gjitha ndërtesat e specifikuara per tri lotet e lartpërmendura.

Ne nderlidhshmeri me piken 13 te kësaj kerkese per rishqyrtim kompania Uni Project kërkon si nga ekspertit shqyrtues por edhe nga paneli qe per shkak te shkeljes se dispozitave ligjore te Ligjit te Punes por edhe specifikacionit teknik te detyrueshme si pjes perberese e DT, qe personeli i propozuar nga operatorët ekonomik te jet i pranishem gjate tere orarit zyrtar te punes te konsideroj oferten e OE fitues MSS te papergjegjshem per shkak mos plotësimin e kërkesave teknik/profesionale te potencuara ne nenin 9.1 dhe 9.2 te FDT-se, si ne vijim:

Emri dhe Mbiemri	Mosha	Paga	Titulli dhe vendi i punes
Naser Sudulli	54	150 neto	IDA,Rexha company dhe MSS.
Arsim Nazifi	34	200 neto	Bachelor Ing. Mak. MSS.
Berat Hasani	32	300 neto	Bachelor Ing. elek. Rexha, MSS.
Skender Rogova	51	150 neto	IDE, PTK dhe MSS.
Burim Hasanaj	30	150 neto	Bachelor Ing. nder. Rexha, MSS.
Flamur Selmanaj	30	300 neto	Bachelor Ing. Mak. MSS.
Ardian Miftaraj	25	300 neto	Bachelor Ing. elek. MSS.
Dukagjin Ramqaj	30	250 neto	Master Inxh. Elektr. MSS.
Valmir Krasniqi	29	300 neto	Bachelor Inxh. ndert. MSS.
Besnik Balaj	52	250 neto	Bachelor Inxh. Mak. MSS.
Lujleta Babuni	59	250 neto	IDE, Rexha, dhe MSS 5/3.
Avdi Avdiu	41	300 neto	Bachelor Inxh. Elek. MSS.

Shih faktin nr. 8 – kopjet e kontratave te inxhinierëve dhe dokumentet përcjellëse te tyre.

Kompania Uni Project konsideron shkelje serioze te vendimit te Qeverise nr. 4/33 te dates: 17.08.2011, paragrafi 1. Ku ceket se te gjith te punësuarit mbi moshen 35 vjeq paga minimale duhet te jet minimum 170 euro. Ne dosjen e personelit te propozuar nga OE paga e tyre eshte nen 170 euro, gjegjësisht 150 euro, (shih faktin nr. 9 – vendimi i Qeverise se Kosoves i dates: 17.11.2011) dhe

Kompania uniprojekt gjate procesit te prokurimit me daten: 22.12.2016 i eshte drejtuar me shkres zyrtare MAP gjegjesisht departamentit te prokurimit per te kerkuar sqarime zyrtare duke perdorur formen e aprovuar nga KRPP-ja, mirepo AK duke bere shkelje ligjore administrative nuk ka kthyer pergjigje ne pyetjet e parashtruara.

Pyetjet kan te bejn me kapacitet ekonomike financiare sa i perket deshmive rreth qarkullimit vjetor per tri vitet e fundit dhe ceshtjen per kapacitetin teknik profesional per te ofruar sqarim per sherbime te njejta (shih faktin nr. 9 – kerkesa per sqarim shtes e dates: 22.12.2016).

Propozim:

Duke u nisur nga prezantimi i argumenteve ligjore me arsyetimin ligjor ne ankes kompania Uni Project kerkon nga paneli shqyrtues i OSHP-se, te beje shoshitjen e fakteve ne menyre ligjore duke marr vendim per te kthyer lenden e kontestuar ne RI-VLERESIM te ofertave, ne menyre qe te detyrohet AK-MAP, te beje vleresimin e drejt dhe objektiv te ofertave gjate procesit te serishem dhe te Ri-vleresimit te ofertave me anetar te rinj te komisionit per vleresimin e ofertave.

Procesi i prokurimit:

Data e njoftimit per kontratë në KRPP : 12.12.2016

Lloji i procedurës së aplikuar:..... Procedurë e hapur

Lloji dhe vlera e kontratës së publikuar:Shërbime/vlerë e madhe

Afati i fundit për dorëzimin e ofertave (gjithsejtë ditë):28.12.2016

Data e hapjes së ofertave28.12.2016-14:00^h

Kriter për dhënie të kontratës:.....Tenderi i përgjegjshëm me çmim më të ulët

Lloji i kontratës:.....Kontratë kornize – 36 muaj

Kriteret për vlerësim

III.2)KUSHTET PËR PJESËMARRJE

III.2.1) Kërkesat e përshtatshmërisë:

- Operatori ekonomik duhet ti përmbush kërkesat mbi përshtatshmërinë në pajtim me Ligjin Nr. 04/L-042, Neni 65.
- Një dokument nga Administrata Tatimore e vendit tuaj të themelimit, se ju nuk jeni me vonesë për pagimin e tatimeve së paku deri në tremujorin e fundit para datës se publikimit të Njoftimit të Kontratës.
- Një dokument i lëshuar nga Gjykata kompetente që vërteton se operatori ekonomik I përmbush “Kërkesat e përshtatshmërisë”- të jetë i lëshuar së paku deri në tremujorin e fundit para datës se publikimit të Njoftimit të Kontratës.

Dëshmia e kërkuar dokumentare:

- Një deklaratë e shkruar nën Betim, e nënshkruar nga tenderuesi duke përdorur formën e përcaktuar në dosjen e tenderit, Aneksi 2(Original).
- Vërtetimin nga Administrata Tatimore (kopje).

c. Vërtetimin nga Gjykata Themelore-Departamenti për Çështje Ekonomike (kërkohet origjinal ose i vërtetuar/noterizuar nga institucioni kompetent në vendin tuaj të themelimit).

Dokumentet (nën b dhe c) duhet të dorëzohen vetëm ngatenderuesi fitues, para publikimit të dhënies së kontratës. Në rast të dështimit në dorëzim të dokumenteve të tilla, tenderi i tyre do të refuzohet dhe AK do të vazhdojë me tenderuesin e listuar të radhës.

III.2.2) Përshtatshmëria profesionale:

a. Certifikatë e regjistrimit të biznesit, regjistrimi si operator ekonomik në regjistrin profesional, komercial dhe/ose të korporatës në vendin e juaj të themelimit.

b. Certifikata e TVSH-së, për kompanitë vendore.

c. Certifikatën me numër fiskal të lëshuar nga Administrata Tatimore e Kosovës- për kompanitë vendore.

Dëshmia e kërkuar dokumentare:

a. Certifikatë e regjistrimit të biznesit- (kopje). Kompanitë e huaja, në rast të shpërblimit me kontratë, duhet të regjistrojnë biznesin (përfaqësinë) e tyre në Kosovë.

b. Certifikata e TVSH-së (kopje).

c. Certifikatën me numër fiskal (kopje).

III.2.3) Kapaciteti ekonomik dhe financiar:

Operatori ekonomik duhet ti ofrojë dëshmi të kënaqshme AK se qarkullimi vjetor i Operatorit Ekonomik, gjatë tre viteve të fundit (2014-2015-2016) ka qenë në vlerë, se bashku ne te tri vitet, prej jo më pak se:

Për lot 1, 350,000.00 Euro

Për lot 2, 400,000.00 Euro

Për lot 3, 400,000.00 Euro

Dëshmia e kërkuar dokumentare:

1. Pasqyrat financiare të audituara nga një auditor i licencuar ose deklarata e qarkullimit të dorëzuar pranë Administratës Tatimore të Kosovës.

III.2.4) Kapaciteti teknik dhe profesional:

Operatori ekonomik duhet të ofrojë dëshmi se ka përfunduar me sukses shërbime të ngjashme gjatë tri viteve të fundit (duke filluar nga data e publikimit të këtij njoftimi për kontratë) në vlerë prej, se bashku ne te tri vitet, prej jo më pak se:

Për lot 1 200,000.00 Euro

Për lot 2 300,000.00 Euro

Për lot 3 300,000.00 Euro

Në rast se operatori ekonomik dorëzon tender për 2 apo me shume pjesë (lote), shuma totale e kontratave që kërkohet për Llotet për të cilat ai konkurren duhet të përmbushet nga OE.

Shembull: nëse shuma totale e kontratave të kërkuar për Lot 1 është 200,000.00 dhe për Lot 2

është 300,000.00 atëherë kërkesa minimale e kontratave të realizuara e cila duhet të përmbushet nga OE është 500,000.00 euro.

Kërkohen minimum:

Inxhinier i ndërtimtarisë

Inxhinier i makinerisë

Inxhinier i elektrikes
Inxhinier i elektronikes

Vërejtje : stafi i cekur ne piken 2 kërkohet për një Lot nëse kompania oferton ne me shume lloje nevojitet staf shtese për secilin Lot. (p.sh nëse ofertën për tri llojet duhet ti ketë 3 inxh. te ndërtimtarisë etj)

Dëshmia e kërkuar dokumentare:

Kopjet e diplomave ,kontratave për stafin qe do te angazhohet. Kopjet e kontratave me referenca për shërbimet kryera.

Regjistri i ofertuesve sipas procesverbalit të hapjes publike:

Nr	Operatorët ekonomik	Vendi	Çmimi total për njësi €	Vërejtje
1.	"Uni Poject"	Prishtinë	3,304.00€ LOT I 4,472.20€ LOT II 4,366.00€ LOT III	JO
2.	"Dolphin"	Prishtinë	3,404.30€ LOT I 3,929.40€ LOT II 3,646.20€ LOT III	JO
3.	"MSS Prishtinë"	Prishtinë	2,197.99€ LOT I 2,947.64€ LOT II 2,947.61€ LOT III	JO
4.	"Schafberger"	Drenas	4,720.00€ LOT II	JO
5.	"SCT Kosova"	Prishtinë	158,400.00€ LOT I 194,220.00€ LOT II 216,750.00€ LOT III	JO

Komisioni vlerësues pranë AK:

Përbërja dhe kualifikimi i komisionit vlerësues.

Autoriteti Kontraktues për vlerësimin e tenderëve ka caktuar komisionin në përbërje prej tre anëtarëve, si në vijim:

- Armend Rugova - Kryetar i komisionit
- Sundim Selmanaj - Anëtar i komisionit
- Valdet Gashi - Anëtar i komisionit

Data e mbarimit të vlerësimit:30.12.2016

Data e nënshkrimit të raportit nga zyrtari kryesor i prokurimit:.....30.12.2016

Data e njoftimit të Dhënies së Kontratës në faqen e Krpp-së :.....06.01.2017

Sipas raportit të komisionit të vlerësimit ofertat të PËRGJEGJSHME janë:

Nr.	Emri i tenderuesit të Përgjegjshëm	Çmimi i ofruar	Radhitja sipas çmimit
1.	Uni Poject	3,304.00€ LOT I 4,472.20€ LOT II 4,366.00€ LOT III	2

Raporti i ekspertit shqyrtues për lëndën: "Mirëmbajtja teknike e ndërtesave Qeveritare" me numër të prokurimit MAP202/16/202/211, të iniciuar nga Autoriteti Kontraktues (AK) - Ministria e Administratës Publike (MAP).

2.	MSS	2,197.99€ LOT I 2,947.64€ LOT II 2,947.61€ LOT III	1
3.	Schafberger	4,720.00€ LOT II	3

Raporti i komisionit vlerësues:

Komisioni i vlerësimit të ofertave ka rekomanduar për kontratë OE "MSS", sepse i plotëson të gjitha kriteret e dosjes së tenderit dhe të njoftimit për kontratë dhe ka ofruar çmimin më të lirë në të tri Lotet.

Neni 54 i LPP-së – Njoftimi i kandidatëve - Tenderuesve

AK-ja, konform neni 54 të LPP-së dhe neni 37 të Udhëzuesit Operativ për Prokurimit Publik, i njofton operatorët ekonomik me letrën standarde.

Neni 108/A - Zgjidhja preliminare e mosmarrëveshjeve

Pas pranimit të letrës standarde OE ankues konform neni 108/A ka parashtruar kërkesë për rishqyrtim, me ç'rast AK-ja, ja refuzon ankesën si të pa bazuar.

Përgjigjet e ekspertit shqyrtues në lidhje me pretendimet ankimore të OE ankues:

Sqarimi nr.1

Eksperti shqyrtues, lidhur me pretendimin e OE ankues, se AK-ja, nuk i ka respektuar rregullat për çmime Jo-Normalisht të ulëta, ku OE ankues pretendon se OE i rekomanduar për kontratë në të tri lotet që ka ofertuar ka ofruar çmime nën 30%. Eksperti shqyrtues, sqaron se ky pretendim i OE ankues për Lot 1 dhe 3 është i paqëndrueshëm për faktin se sipas rregullores për çmime Jo-Normalisht të ulëta kushti i parë për tu aplikuar kjo rregullore duhet që të jenë tri oferta e në rastin konkret sipas raportit të vlerësimit janë vetëm dy oferta të përgjegjshme gjë që nuk mund të aplikohet formula e dhënë në këtë rregullore.

Ndërsa sa i përket Lot 2, eksperti shqyrtues sqaron se në Lot 2 i kemi tri oferta të përgjegjshme sipas raportit të vlerësimit, prandaj rregullorja paraqitet si në vijim:

Nr.	Lot 1			
	A	B	C	D
1	kushti 1 - është përmbushur kushti i parë sepse janë pranuar 3 oferta	Pranuar 3 oferta		
2		1. UNI PROJECT	4,472.20	
3		2. MSS	2,947.64	
4		3. SCHAFBERGER	4,720.00	
8		Total (C2+C3+C4)	12,139.84	
9		mesatarja (C8/3)	4,046.61	
10	kushti 2 - të gjitha ofertat nën këtë çmim përmbushin kushtin e dytë	pragu 30% (mesatarja /1.3)	3,112.78	ne këtë rast vetëm oferta 2 përmbush kushtin e dytë prandaj vazhdohet me kushtin e tretë
11	kushti 3 – pragu 10% në mes ofertës më të lirë në krahasim me ofertën e dytë më të lirë	pragu 10% (oferta e dytë /1.1)	4,024.98	ne këtë rast oferta 2 përmbush edhe kushtin e tretë

Raporti i ekspertit shqyrtues për lëndën: "Mirëmbajtja teknike e ndërtesave Qeveritare" me numër të prokurimit MAP202/16/202/211, të iniciuar nga Autoriteti Kontraktues (AK) – Ministria e Administratës Publike (MAP).

Kushti	Kërkesa	Arsyetimi
1	Janë pranuar 3 oferta	Është plotësuar kushti i pare sepse janë pranuar 3 oferta
2	Çmimi i ofruar është më shumë se 30% më i ulët se çmimi mesatar i tenderëve të përgjegjshëm	Oferta e dyte plotëson kushtin e dyte (30%) sepse çmimi i ofruar është me shume se 30% me i ulët se mesatarja e tenderëve. Shih pragun ne kolonën C10
3	Çmimi i ofruar është më shumë se 10% më i ulët se çmimi ose kostot e tenderit të dytë më të ulët	Oferta e dyte plotëson edhe kushtin e trete (10%) sepse ne krahasim me ofertën e dyte me radhe është me shume se 10% me i ulët. Shih pragun C11
Konkludim		Oferta me nr. rendor 2 plotëson 3 kushtet e përcaktuara dhe si rrjedhoje mund te konsiderohet si oferte abnormalisht e ulët

Sipas tabelës, rezulton se oferta financiare e OE te rekomanduar për kontratë për Lot 2, i përmbush te gjitha kushtet e parapara ne rregulloren për çmime jo-normalisht te ulëta. Eksperti shqyrtues, sqaron se ne këtë rast është i qëndrueshëm pretendimi i OE ankues sepse AK-ja, nuk i ka respektuar dispozitat e nenit 61 te LPP-se, për faktin se është dashur ti kërkohe sqarim me shkrim OE “MSS”, lidhur me çmimin e ofruar për Lot 2. Ne lidhje me rrezulltatn e dhënë ne tabelë eksperti shqyrtues sqaron se sipas nenit 1 te kësaj Rregulloreje është i **ndaluar përjashtimi automatik i ofertave jo-normalisht të ulëta**, pa e përdorur proceduren *inter partes*. Prandaj, eksperti shqyrtues, sqaron se gjate Ri-vlerësimit te Lot 2 te respektohet Rregullorja për çmime Jo-Normalisht te ulëta dhe ti kërkohe sqarimet e nevojshme OE “MSS”, sepse sipas nenit 4.1 te Rregullores për Çmime Jo-Normalisht te ulëta, Kur një tender konsiderohet si jo normalisht i ultë në pajtim me Nenin 61 te LPP dhe paragrafit 3.1 ose 3.2 te këtyre rregullave, një tender i tille **nuk mund të refuzohet** pa hetimin dhe shqyrtimin e elementeve te rëndësishme qe shkaktoj tenderin vecenarisht te ulët.

Ne vazhdim eksperti shqyrtues, sqaron se OE ankues pretendon qe OE i rekomanduar nuk e ka ofruar pagën e punëtorëve sipas vendimit nr. 04/33 te Qeverise se Kosovës. Eksperti shqyrtues, lidhur me këtë pretendim sqaron se AK-ja, ne dosje te tenderit nuk ka kërkuar page për punëtor, ndërsa lidhur pretendimin për pagën neto te ofruar nga OE i rekomanduar për kontratë dhe kontributeve te cilat duhet te paguhen ku OE ankues pretendon se paga e te punësuarve është nen limitin e vendimit 04/33 eksperti shqyrtues sqaron se kompetente për këtë çështje është Administrata Tatimore e Kosovës.

Poashtu OE ankues pretendon se stafi profesional dhe teknik i prezantuar nga OE i rekomanduar për kontratë janë te angazhuar edhe ne kompani tjetra, eksperti shqyrtues sqaron se ne ofertën origjinale OE i rekomanduar për kontratë i ka dorëzuar disa kontrata te punës te lidhura ne mes te OE Rexha Company (i cili nuk është pjesëmarrës ne këtë aktivitet te prokurimit) dhe Naser Surdullit i cili te OE “MSS”, është prezantuar si staf profesional. Eksperti shqyrtues lidhur me këtë sqaron se kontrata e punës e Naser Surdullit dhe OE “Rexha Company”, është e nënshkruar ne vitin 2010, ndërsa i njëjti sipas dokumentacionit ka nënshkruar kontratë me OE “MSS” ne Nëntor te vitit 2016 për te cilin OE “MSS” është duke i paguar edhe kontributet për te lartpërmendurit. Eksperti shqyrtues, poashtu sqaron se sa i përket pretendimit lidhur edhe me anëtarët tjerë te stafit profesional te cekur ne ankesë, eksperti shqyrtues sqaron se te gjitha kanë kontrata me kohe te caktuar me OE “MSS” (te nënshkruara ne muajin Nëntor te vitit 2016), ku si dëshmi qe i ka angazhuar këta persona OE “MSS”, ka ofruar edhe listën e ATK-se, ne te cilin figurojnë se janë paguar kontributet për: Naser Surdullin, Skender Rugoven, Flamur Selmanaj, Avdi Avdiun etj. Prandaj, ky pretendim është i paqëndrueshëm.

Lidhur me pretendimin e OE ankues ne lidhje me numrin e kërkuar te stafit profesional dhe teknik, eksperti shqyrtues, sqaron se OE i rekomanduar për kontratë i ka ofruar 34 punëtorë, prej te cileve 12 janë inxhinier te profileve te ndryshme, ndërsa pjesa tjetër janë: Teknik, Mirëmbajtës, Zdrukhttar,

Fasader-Muraotr, mjeshtër te instalimeve elektrike, teknik te hidroinstalimeve etj. Prandaj, pretendimi i OE ankues se nuk ka ofruar numër te mjaftueshëm sipas kërkesave te dosjes se tenderit janë te paqëndrueshme sepse sipas kërkesës se dosjes se tenderit OE “MSS”, ka ofruar për secilin Lot nga një inxhinier.

Ne lidhje me pretendimin e OE ankues, se OE i rekomanduar për kontratë nuk e ka ofruar planin e menaxhimit sipas dosjes se tenderit, eksperti shqyrtues, sqaron se OE i rekomanduar e ka ofruar planin e menaxhimit ne te cilin ka dhënë detaje me te cilat e sqaron se si do te menaxhohet plani i mirëmbajtjes ku nder te tjera ne këtë plan ka bere ndarjen e stafit profesional dhe teknik ne tri ndërrime, prandaj pretendimi i OE ankues se “nuk vërehet se OE i rekomanduar për kontratë ka ofruar minimum 10 punëtor për Lot”, është i paqëndrueshëm sepse përveç ne planin e mirëmbajtjes OE i rekomanduar për kontratë ka ofruar edhe listën e stafit siç u përmend edhe me lart, gjithsej 34 punëtor dhe staf profesional.

Lidhur me pretendimin e OE ankues, se gjate fazës se kritereve, kemi kërkuar sqarim ne lidhje me kërkesat e dosjes se tenderit dhe ne këtë AK-ja, sipas OE ankues nuk i ka kthyer përgjigje, eksperti shqyrtues, sqaron se ne baze te shkresave te lendes OE ankues ka bere kërkesë pran AK-se, me datën: 22.12.2016, ndërsa afati i fundit për sqarim i dhënë ne dosje te tenderit ka qene 23.12.2016 dhe ne baze te shkresa te lendes nuk ka dëshmi se AK-ja i ka kthyer përgjigje OE ankues. Fakti qe data për sqarim te dosjes se tenderit ka qene data 23.12.2016, AK-ja ka qene e obliguar ti kthej përgjigje, prandaj ne këtë rast AK-ja, nuk i ka respektuar dispozitat e nenit 53 te LPP-se dhe njëherit sqaroj se ky pretendim i OE ankues është i qëndrueshëm.

Pyetja e OE ankues ka qene ne lidhje dëshmit e kapacitetit ekonomik dhe financiar dhe kapacitetin teknik dhe profesional te cilat OE ankues i ka plotësuar përkundër faktit se AK-MAP nuk i ka kthyer përgjigje.

Sqarimi nr.2

Ne fund eksperti shqyrtues, sqaron se pretendimet ankimore te OE ankues për shkelje te dispozitave te LPP-se te cekura ne ankesë janë pjesërisht te qëndrueshme, andaj eksperti shqyrtues bazuar ne sqarimet e mësipërme vlerëson se Lot 2 duhet te kthehet ne Ri-vlerësim dhe te respektohen ne tërësi dispozitat e rregullores për Çmime Jo-Normalisht te ulëta, ndërsa për Lot 1 dhe 3 te aprovohet vendimi i AK-se për dhënie te kontratës për faktin se AK-ja, e ka respektuar nenin 60 te LPP-se, ku kriter kryesor për dhënie te kontratës ka qene çmimi me i ulet.

Mendimi i ekspertit shqyrtues :

- Eksperti shqyrtues bazuar në konstatimet e cekura në ekspertizë mendon që Autoriteti Kontraktues – **Ministria e Administratës Publike (MAP)**, për aktivitetin e prokurimit “**Mirëmbajtja teknike e ndërtesave Qeveritare**” **LOT 1, dhe 3**, me numër të prokurimit MAP202/16/202/211, i ka respektuar dispozitat e LPP-së, ndërsa për Lot 2 te kthehet ne ri-vlerësim.